

•sanjvwnz•

Seiz Iq Nanz Lumz

难忘儿时

□ Lij Veimeiz / 李会梅

Ngoenzneix dwg ngoenz singhgiz, gwn haeuxngaiz sat le, dahlwg gou riu naeuz: “Meh, haemhneix mbouj cawj haeuxcaez lo, raeuz daengx ranz vunz okrog bae gwn ba.”

Gou naeuz: “Youh okrog bae gwn? Seizneix yienghyiengh hwnj gyaq, gwn donq haeux he sai bae geij bak maenz ngaenz. Danghnaeuz gag cawx byaek dauqranz gag cawj lij ndei gwn youh noix ngaenz.”

Daeglan angqvauvau saet hwnj-daeuj, hemq yatyat naeuz: “Daxmeh, haemhneix gou siengj gwn noh duz-gungq, noh duzyiengz……”

Banhaemh roek diemj lai cung, dou daengx ranz seiq boux naengh ci bae daengz aen bouq gwn haeux ndeu, henzbouq miz aen diemq gai vanzgi lwnyez. Daeglan baez yawjraen le couh riengjret buet bae gaemdawz aen cungqraemx ndeu mbouj cuengq fwngz.

“Binghbingh, ndawranz vanzgi mwngz gaeng lai lo, ra gizcuengq cungj mbouj miz lo, aen cungqraemx neix raeuz couh mbouj aeu loba.” Gou gangj sat, daeglan couh daejnga’ nga lo.

Daeg lwggwiz riu naeuz: “Ngoenzneix de dingqgangj, couh cawx aen cungqraemx neix hawj de ba.”

Daeglan baez dingq, fwngz he uet raemxda, doq daej doq naeuz: “Docih daxboh.”

Byaij haeuj ndawbouq gwn haeux, vunz daeuj gwn haeuxcaez nauhyied sadsad, geijeib aen daiz cungj naengh miz vunz ndaetfwdfwd.

Dou naengh roengz senj byaek ndei le, yaep he, geij dah fuzvuyenz couh dawz byaek dawz dang daeuj baij rim gwnzdaiz. Miz raemxdang duzfw, duzungq, nohgaeq daengj, rangfwtfwt, dou cungj gwn ndaej diemzsub mizfeih.

Dou gwn imq le gwnzdaiz lij lw miz haujlai byaek, gou heuh fuzvuyenz aeu daeh daeuj cang byaek lw yaek dawz dauq ranz. Dahlwg dingqnyi le couh riunyumnyum naeuz: “Daxmeh, lw couh lw lo, mbouj aeu lo, ngoenzcog caiq cawx byaek sien.”

“Sou mbouj gwn gou gwn.” Gou doq gangj doq aeu daeh cang noh lw haeuj daeh. Seizneix gou sawqmwh dauqngex seiz iq gou.

Mwhhaenx, daengx ranz cib boux vunz, baenz bi hix mbouj miz cib gaen noh roengz dungx. Daj gou roxyiuj hwnj, ngoenzngoenz gwn gij haeuxcuk sawdikdik, yawj ndaej raen daej gu caeuj duz ngaenz bonjfaenh. Ndawranz roek boux lwnyez, haetnaengz daxbuz cawj ngaiz seiz, swnhbienth saz lwgsawz lwgbiek haeuj cauq bae, cug le viq okdaeuj, faen baenz roek faenh. Mwhhaenx, dou hix gig dingq vah, banhaet hwnqdaeuj, mboujguenj byawz gwn gonq gwn laeng, hix laux-laux saedsaed gag boux gag gwn faenh

swhgeij.

Mwhhaenx ndawdoih gig hoj-ndoq, ndawranz haeux ciengzciengz mbouj gaeuj gwn, gwn donq ngaiz couh heiq donq caeuz, ndawdoih bi he baen ndaej geij gaen youz duhdaem, daengz ciet hung roxnaeuz ndwen-cieng le, ndawdoih cij ndaej gaj duz mou hung he, aen ranz baen ndaej gaen baj noh.

Gou miz song daeg beix sam dah cej, gou dwg boux cei iq, ngoenz-naengz gou mbouj yungh guh hong-ranz, cungj dwg daegbeix dahcej guh.

Hoeng hawj gou cei q gwn vi dwg, gou coengzlaiz mbouj ndaej cawx gvaq saek geu buh moq vaq moq, cungj dwg daenj gij buhvaq daegbeix dahcej daenj dinj haenx, fong mbaq youh fong dangzvaq roxnaeuz gyauejroq dem.

Miz baez he, gou raen daxmeh youh cawx buhmoq hawj dahcej daenj bae hagdangz, gou raen mbouj miz faenh gou, couh ndaeng soemj ndoj haeuj gungz dou bae daej.

Daxmeh umj gou hwnjdaeuj, bang gou uet raemxda, sim’ in naeuz: “Lwg iq gvaic gou, gaej daej lo, ngoenzlaeng daxmeh caiq cawx buhmoq hawj mwngz daenj.” Gou haet muengh hwnz hix muengh, hoeng cig daengz bi moq daeuj daengz, gou hix muengh mbouj raen geu buh moq.

Ndawdoih miz aen suenmak he, geijcib moux gvangq, ndawde miz makdauz, maknganx, gyoij, makgam daengj. Daengx bi seiqgeiq cungj miz lwgmak cug venj rim gwnzgo, gij heiq lwgmak biu ok rog suen daeuj, nyex ndaej gyoengq lwnyez ndawmbanj yawj ndaej myaiz rihbyoegbyoeg. Hoeng seiqhenz suenmak cungj cuk ciengz roxnaeuz ndaem oen humx ndaej ndaetndwtndwt, ndaw suenmak youh miz boux vunz he hendawz, siengj haeuj suen bae caeg mak gwn gig nanz.

(1)



Seiz goekhawx dahsau Yauzeuz Gunghewngz mbaet caz guh vouzeaz

Lij Mouvanh ingi

•Sawcuenhraz Lwngyez•

Gij Golwngyez Henz Dahhoengz

红水谣

□ Lanz Haiyangz Moz Beibei / 蓝海洋 莫蓓蓓

Daj bakdoulau miuhsaenzvangz gvax gvaq gij ciengzhumx, byaij coh laeng miuh seiz, gou engq menh lo, mbouj rox Aulungzgeiz youq mbouj youq ranz? De nyienh mbouj nyienh bang Ahveij? Ngoenzneix de laeuj fiz lwi? Yaek ndaq gou lai dam saeh bouxwnq lwi?

Gwq naemj gwq naemj, gou miz di ndeilau hwnjdaeuj lo, Aulungzgeiz beizheiq ndei seiz, ndaej daeuj de guhcaemz, lumj daeuj duzmeuz iq nei, hawj vunz angqyangz.

Hoeng, danghnaenz bungz de hoznyaek roxnaeuz laeuj fiz, couh aeu haeujsim lo, de couh lumj duz muima, mwngz nyig bwn lumh de, de itdingh rig heuj rig faenz, haep ndaej mwngz naj meng ndang saenz. Gou yied gyawj bakdou ranz de couh yied dungxcieg.

Lauxsaed gangj, lwgsai ndawmbanj lumj gou yienghneix hung, lauheiq caiq mbouj miz byawz gamj haeuj ranz namh Aulungzgeiz lo. Aiq dwg gou mbeihung gvaq gyoengqde,

roxnaeuz bak van gvaq gyoengqde, de lumjnaeuz lai gyaenz gou di, soqlaiz ndiep gou. Mboujnex, ngoenzlwenz gyanghaemh de baenzlawz ciengzsaeg lwnh gij goj siliengz de hawj gou nyi, engq mbouj rox caennadang soengq gou maranz lo.

Aulungzgeiz youq ndawsim bouxhung lwngyez ndawmbanj, dwg bouxgvaic he. Hoeng gou daj ndaejnyi gij goj de le, couh nyinhnaeuz de mbouj dwg bouxgvaic, engq mbouj dwg bouxrwix. Yienznaeuz seizde gou lij caengz rox maz heuhguh aiqcingz,

hoeng gou mumjgyumq roxnyinh de gaeng deng cungj rengz yawj mbouj raen he gaemguenj lo, cungj rengz haenx hawj de cengqgengz lix roengzbae, doeknaiq roengzbae, diuqgah roengzbae, loengloek roengzbae, caemhcaiq deqcaj roengzbae.

Gou rox, gij gungzndoq caeuj haemzhoj ciuhvunz de, cei youqgaen dwg de vih boux dahsau ndeu. Danghnaeuz seizde boux dahsau haenx haq hawj de, seizneix de itdingh miz moengj lwg humx ndang, aiq lwglauh hix ndaej cibsei haj bi lo,

daxmeh de hix mbouj dai ndaej baenz caeux, aen ranz reihnaz de hix mbouj deng gyuen caez, yah gyaundeisienhsoh haenx hix haengjdingh caeuj de itheij caux aen ranz vuenyungz raeujrub he……

Boux dahsau haenx couhdwg Siu Cuh, mbouj rox Siu Cuh dauqdaej dwg byawz? Doeklaeng lwnh gij goj Aulungzgeiz hawj daiq seiz itdingh yaek cam, daiq itdingh rox ndawmbanj byawz dwg Siu Cuh, byawz dwg Ahgwnh!

(caengz sat)